

Siōngchàn SiōngChú ê Bíhó

(Tabít ê sī; sī i tī Abímelék bīnchêng ké hongtian, pī kóaⁿ chhutkhì ê sī sǒ chò ê.)

- 1 Góa beh sísí oló SiōngChú;
góa ê chhùi beh tiāⁿtiāⁿ oló I.
- 2 Góa ê sim beh inūi SiōngChú lâi khoakháu;
khiampi ê lâng thiaⁿ tiòh lóng ē hoaⁿhí.
- 3 Lín tiòh kah góa chòhóe chun SiōngChú chò tōa,
chòhóe kokú I ê miâ.
- 4 Góa bat chhōekiū SiōngChú, I ū ìn góa,
I kiù góa thoatlī sǒu ê kiaⁿhiáⁿ.
- 5 Gióngbōng I ê lâng, bīn ū kongchái;
in ê bīn éngoán bē tìkàu kiànsiàu.
- 6 Chitê khùnkhoé ê lâng kiúkiò, SiōngChú ū thiaⁿ tiòh,
koh kiù i thoatlī sǒu ê hoānlān.
- 7 SiōngChú ê sùchiá tī kèngùì I ê lâng ê sùi chat iáⁿ,
kiù in thoatlī gúihiam.
- 8 Lín tiòh chhinsin thégiām, tòh chai SiōngChú sī hó;
sìnkhoé I ê lâng chin ū hokkhì.
- 9 SiōngChú sèng ê chúbîn ah, lín tiòh kèngùì I,
inūi kèngùì I ê lâng bô khiàmkhoat pòⁿ hāng.
- 10 Tiòhsng sī kiōngchòng ê sai'á thūn, ū sī mā ē ū khiàmkhoat, ē iaugō,

頌讚上主 ê 美好

(大衛 ê 詩；是伊 tī 亞比米勒面前假瘋癲，
被趕出去 ê 時所做 ê。)

- 1 我 beh 時時 oló 上主；
我 ê 嘴 beh tiāⁿtiāⁿ oló 祂。
- 2 我 ê 心 beh 因為上主來誇口；
謙卑 ê 人聽 tiòh lóng ē 歡喜。
- 3 Lín tiòh kah 我做伙尊上主做大，
做伙高舉祂 ê 名。
- 4 我 batchhōe 求上主，祂有應我，
祂救我脫離所有 ê 驚惶。
- 5 仰望祂 ê 人，面有光彩；
in ê 面永遠 bē 致到見笑。
- 6 Chitê 困苦 ê 人求叫，上主有聽 tiòh，
koh 救伊脫離所有 ê 患難。
- 7 上主 ê 使者 tī 敬畏祂 ê 人 ê 四圍紮營，
救 in 脫離危險。
- 8 Lín tiòh 親身體驗，tòh 知上主是好；
信靠祂 ê 人真有福氣。
- 9 上主聖 ê 子民 ah，lín tiòh 敬畏祂，
因為敬畏祂 ê 人無欠缺半項。
- 10 Tiòh 算是強壯 ê 獅 á 豚，有時 mā ē 有欠缺，
ēiau 餓，

tóktók cháuchhōe SiōngChú ê lâng bô khiàm
siáⁿmih hó mih.

11 Sèkiáⁿ ah, lín tiòh lâi thiaⁿ góa kóng,
góa beh kā kèngùi SiōngChú ê tōlí kàsī lín.

12 Lín tiongkan, kiànnā ài sèⁿmiā, himbō tng
hòesiū,

koh ài beh tit tiòh hokkhì ê lâng,

13 tòh èngtong kìm lí ê chih, bô kóng pháinⁿōe;
kìm lí ê chhùitûn, bô kóng kanchà ê òe.

14 Tiòh khì ok hêng siān,

Jiátsim tuikiû hôpêng.

15 SiōngChú ê bákchhiu khòaⁿkòr gīlâng;

I ê hīⁿkhang thiaⁿ in ê kíkíu.

16 M̄ koh, SiōngChú ē tùi kiâⁿ pháinⁿ ê lâng
pìⁿbīn,

beh kā in ê miā tùi sèkan siautû.

17 SiōngChú thiaⁿ tiòh gīlâng kiûkiò,

tòh kiù in thoatlī itchhè ê hoānlān.

18 SiōngChú chhinkīn sionsim ê lâng,

chínkiù simlêng thònghóe ê lâng.

19 Gīlâng ū chin chē khóilān,

chóng sī, SiōngChú kiù in thoatlī itchhè ê
kanlān.

20 SiōngChú póchoân in choânsin ê kutthâu,

liân chít ki mā bô phahtng.

21 Chōeok ē hō chò pháinⁿ ê lâng síbông;

oànhūn gīlâng ê, ē siū tēngchōe.

22 SiōngChú kiùsiók I ê pòkjîn ê lēnghūn;

kiànnā sìnkhò I ê, liân chít ê to bē siū

獨獨走 chhōe 上主 ê 人無欠啥物好物。

11 細 kiáⁿ ah, lín tiòh 來聽我講,

我 beh kā 敬畏上主 ê 道理教示 lín。

12 Lín 中間, 見若意愛性命, 欣慕長歲壽,

koh ài beh 得 tiòh 福氣 ê 人,

13 tòh 應當禁你 ê 舌, 無講 pháinⁿ 話;

禁你 ê 嘴唇, 無講奸詐 ê 話。

14 Tiòh 棄惡行善,

熱心追求和平。

15 上主 ê 目 chiu 看顧義人;

祂 ê 耳孔聽 in ê 祈求。

16 M̄ koh, 上主 ē 對行 pháinⁿ 人變面,

beh kā in ê 名 tùi 世間消除。

17 上主聽 tiòh 義人求叫,

tòh 救 in 脫離一切 ê 患難。

18 上主親近傷心 ê 人,

拯救心靈痛悔 ê 人。

19 義人有真 chē 苦難,

總是, 上主救 in 脫離一切 ê 艱難。

20 上主保全 in 全身 ê 骨頭,

連一支 mā 無 phah 斷。

21 罪惡 ē hō 做 pháinⁿ 人死亡;

怨恨義人 ê, ē 受定罪。

22 上主救贖祂 ê 僕人 ê 靈魂;

見若信靠祂 ê, 連一个 to bē 受定罪。

tēngchōe.